



"AMALAN DAN PERSEDIAAN SEBELUM DAN SELEPAS MENYAMBUT IDULFITRI"

الْحَمْدُ لِلَّهِ الْقَائِلِ: وَلِتُكْمِلُوا الْعِدَّةَ وَلِتُكَبِّرُوا اللَّهَ عَلَىٰ مَا هَدَيْنَكُم وَلَعَلَّكُمْ تَشْكُرُونَ.

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ وَأَشْهَدُ أَنَّ مُحَمَّدًا عَبْدُهُ وَرَسُولُهُ. اللَّهُمَّ صَلِّ وَسَلِّمْ عَلَىٰ سَيِّدِنَا مُحَمَّدٍ وَعَلَىٰ آلِهِ وَأَصْحَابِهِ أَجْمَعِينَ.

أَمَّا بَعْدُ، فَيَا أَيُّهَا الْمُسْلِمُونَ! اتَّقُوا اللَّهَ، قَالَ اللَّهُ تَعَالَى: يَأَيُّهَا الَّذِينَ ءَامَنُوا اتَّقُوا اللَّهَ حَقَّ تَقَاتِهِ وَلَا تَمُوتُنَّ إِلَّا وَأَنْتُمْ مُسْلِمُونَ.

Sidang Jumaat Yang Dirahmati Allah,

Marilah kita tingkatkan ketaqwaan kita dengan sebenar-benar taqwa, dengan memastikan setiap perintah Allah dapat dilaksanakan, dan memastikan segala yang dilarang oleh Allah kepada kita dapat ditinggalkan. Serta memastikan jangan sekali-kali kita mati melainkan hanya dalam Islam. Marilah



kita sama-sama menghampirkan diri kita sepanjang Ramadhan ini dan selepasnya dengan meneruskan zikrullah dan amalan-amalan soleh, samada di siang hari lebih-lebih lagi di malam hari untuk mengambil sebanyak-banyak anugerah Allah yang menjanjikan maghfirah dan rahmat-Nya .

Kita bersyukur kerana dengan anugerah Allah, kita berjaya mendirikan solat sunat tarawikh pada setiap malam, kita berjaya menyempurnakan tadarus Al-Quran, khatam tiga puluh juzu' serta sentiasa berzikir. Kita telah menunaikan zakat fitrah, menghulurkan sedekah dan derma kebajikan. Namun segala amal ibadah ini tidak hanya tertumpu dalam bulan Ramadhan sahaja tetapi perlulah ada penerusan di bulan-bulan lain agar keseluruhan hidup kita diberkati dan dirahmati hasil daripada tarbiyyah Ramadhan setiap tahun.

Sidang Jumaat Yang Dirahmati Allah,

Di antara tuntutan Ramadhan, kita digalakkan mendirikan malam dan beriktikaf di masjid khususnya 10 malam akhir Ramadhan seperti yang pernah dilakukan oleh Rasulullah s.a.w. sepanjang hayat baginda.

Saidatina Aisyah r.a. berkata;

أَنَّ النَّبِيَّ ﷺ كَانَ يَعْتَكِفُ الْعَشْرَ الْأَوَّاهِرَ مِنْ رَمَضَانَ، حَتَّى تَوَفَّاهُ اللَّهُ، ثُمَّ اعْتَكَفَ أَزْوَاجُهُ مِنْ بَعْدِهِ.



"Sesungguhnya Nabi s.a.w adalah beriktikaf pada sepuluh yang akhir Ramadhan, sehinggalah Allah 'mewafatkan Baginda, kemudian selepas kewafatannya, isteri-isteri Baginda meneruskan amalan tersebut".

(Riwayat Bukhari)

Saidatina Aisyah r.a. menjelaskan bahawa Rasulullah s.a.w melakukan amalan berkenaan dengan banyaknya di rumah, sehingga hampir masuk waktu subuh, walaupun satu ketika, kaki Rasulullah sampai membengkak. Bahkan di malam sepuluh Ramadhan yang akhir, Baginda Rasulullah s.a.w terus beriktikaf di masjid.

Saidatina Aisyah r.a. menjelaskan;

كَانَ رَسُولَ اللَّهِ ﷺ إِذَا أَرَادَ أَنْ يَعْتَكِفَ صَلَّى
الْفَجْرَ ثُمَّ دَخَلَ مُعْتَكِفَهُ وَإِنَّهُ أَمَرَ بِخَبَائِهِ
فَضْرِبَ.

"Adalah Rasulullah saw apabila Baginda hendak beriktikaf, sembahyanglah Baginda solat subuh, kemudian Baginda terus masuk ke tempat iktikaf, dan sesungguhnya Baginda memohon disediakan sebuah khaba' (tempat 'iktikaf yang didirikan dari kain bulu, atau kulit kambing atau jerami gandum, agar Baginda dapat menumpukan zikir baginda kepada Allah SWT) maka khaba' itupun didirikan".

(Riwayat Muslim)



Sidang Jumaat Yang Dirahmati Allah,

Alangkah indahnyanya hidup kita bersama Ramadhan yang kita lalui ini penuh dengan rahmat Allah. Kita diberi rahmat dengan kesihatan, kekuatan dan semangat untuk beramal. Kita diberi rahmat dengan ingatan tidak lupa Allah dan tidak lalai dari berzikir mengingati-Nya. Semoga kita diberi rahmat agar panjang umur supaya dapat beribadah menghampirkan diri kepada Allah pada 10 malam akhir Ramadhan, hingga menemui 'idul fitri di bulan Syawal yang akan menjelang.

Sangatlah malang dan ruginya kita, jika semakin hampir Syawal menjelma semakin kita melupakan solat tarawikh, semakin jauh kita daripada masjid dan semakin lemah untuk mendirikan qiamullail, bertadarus Al-Quran, berzikir dan beri'tikaf di masjid terutama sekali pada 10 hari di akhir Ramadhan. Sering berlaku sebahagian umat Islam mengejar persiapan hari raya lebih daripada beramal ibadah, apa yang kita hambat ialah kuih dan biskut raya berbanding berwirid dan berzikir. Apa yang kita tumpukan ialah hiasan rumah, rendang, leman dan ketupat menggantikan istighfar, tasbih, tahmid dan takbir Idulfitri.

Anak-anak kita yang masih bersih jiwanya, telinga mereka dialunkan dengan dendangan lagu hari raya. Mereka terlalu asyik dengan program-program yang disiarkan di televisyen dan di radio sehingga mengganggu ibadah kita di akhir-akhir ramadhan. Amatlah malang, suri rumah yang bekerja keras bersengkang mata, letih dan penat, berjaga malam menyediakan persiapan hari raya tanpa menghiraukan qiamullail dan bertahajud kepada Allah.

Alangkah besar rahmat dan keberkatan yang Allah berikan, sekiranya anak-anak dan isteri kita itu diajar dengan takbir dan berzikir, dibimbing bertahajud dan membaca Al-Quran hingga ke akhir malam raya. Televisyen dan radio mestilah mengatur program mendidik dan membimbing membesarkan



Allah, menghormatai Ramadhan dengan tahmid dan takbir. Hendaklah diatur program-program yang menimbulkan rasa syahdu dan cinta kepada Allah, selaras dengan Ramadhan bulan anugerah Allah yang Maha Besar.

Hadith daripada Anas Ibnu Malik bahawa Rasulullah s.a.w. bersabda;

زَيِّنُوا الْعِيدَيْنِ بِالْتَّهْلِيلِ وَالتَّكْبِيرِ وَالتَّحْمِيدِ
وَالْتَّقْدِيسِ.

"Hiasilah dua hari raya dengan tahlil, takbir, tahmid dan taqdis (tasbih)".

(Riwayat Ad-Dailami)

Sidang Jumaat Yang Dirahmati Allah,

Lantas, pada hari raya itu nanti kita bertakbir membesarkan Allah. Alhamdulillah!. Agongnya Allah!, Besarnya Allah!. Allah Maha Agong. Semoga Allah menerima istighfar dan taubat yang kita mohon itu benar-benar mencerminkan hakikat keikhlasan kita di hari idulfitri itu nanti. Kerana dengan hanya keikhlasan umat Islam mengucapkan takbir, tahmid itu nanti diharap menjadi penyebab yang sangat berkesan kepada perubahan hidup kita. Firman Allah S.W.T. dalam surah Al-Baqarah ayat 185;

وَلِتُكْمِلُوا الْعِدَّةَ وَلِتُكَبِّرُوا اللَّهَ عَلَىٰ مَا هَدٰكُمْ
وَلَعَلَّكُمْ تَشْكُرُونَ ﴿١٨٥﴾



"Dan juga supaya kamu mencukupkan bilangan hari puasa (sebulan Ramadhan), serta kamu membesarkan Allah kerana mendapat petunjuk-Nya dan supaya kamu bersyukur".

Sidang Jumaat Yang Dirahmati Allah,

Alhamdulillah, kita dapat mengucapkan dengan membesarkan Allah dan mengagungkan-Nya pada Hari Raya Idulfitri itu nanti, tetapi ingat! Apakah kita benar-benar terus mengagungkan-Nya selepas 'idul fitri itu berlalu, dan beriltizam mengagunka-Nya dalam amalan kita, dalam gerak kerja kita, dan dalam segala pemikiran, perancangan dan ketentuan hidup kita hingga sampai ke bulan Ramadhan pada tahun hadapan?.

Benarkah pengajaran Ramadhan itu dapat merubah hidup kita, seperti penerusan amal kebajikan dapat dikotakan? Sekiranya kita Berjaya mengekalkan segala amal ibadah ini berterusan, ini bermakna tarbiyyah madrasah Ramadhan telah Berjaya merubah dan memberkati hidup kita.

Kita sangat digalakkan meneruskan amalan-amalan Ramadhan, dengan puasa enam selepas hari raya, dan berpuasa sunat pada hari Isnin dan Khamis, membanyakkan solat sunat, mengekalkan istighfar, zikir, wirid dan menghampirkan diri kepada Allah.

Jadikanlah diri kita golongan yang merindukan masjid, mencintai ulama, cintakan kebaikan, bersedekah membantu meringankan kemiskinan orang lain, di samping itu menghubungkan silaturahmi, rajin mencari rezeki yang halal seterusnya membantu menjalankan amar maaruf dan nahi munkar dan berjihad menegakkan syariat Allah dengan menegakkan keadilan umat sejagat, merindukan keredhaan Allah, maka itulah kesan ruhiyah yang mendalam dan benar-benar merahmati dan memberkati hidup kita. Maka itulah tanda-tanda



bahawa Allah meredhai hidup kita. Firman Allah S.W.T dalam surah Al-Baiyyinah ayat 8;

رَضِيَ اللَّهُ عَنْهُمْ وَرَضُوا عَنْهُ ذَٰلِكَ لِمَنْ خَشِيَ رَبَّهُ ۝

"Allah redha akan mereka dan mereka pun redha (serta bersyukur) akan nikmat pemberian-Nya; Balasan yang demikian itu untuk orang yang takut (melanggar perintah) Tuhan-Nya".

Jika kita meyakini aqidah yang benar, mematuhi Syariat dan undang-undang-Nya yang adil, dan berakhlak dengan akhlak yang mulia, berjuang mempertahankan Islam dan hukum hakamnya, redha hidup dan mati kerana Islam, maka itulah tanda orang yang bijaksana yang benar-benar diberkati hidupnya oleh Allah SWT sebagai hambaNya yang saleh dan bertaqwa, sebagai orang yang sentiasa memohon keredhan Allah dan kelepasan dari azab neraka dengan doanya;

اَللّٰهُمَّ اِنَّا نَسْأَلُكَ رِضَاكَ وَالْجَنَّةَ وَنَعُوْذُ بِكَ مِنْ
سَخَطِكَ وَالنَّارِ.

"Ya Allah! Sesungguhnya kami memohon keredhaan-Mu serta syurga-Mu, dan kami mohon dijauhkan dari kemurkaan-Mu serta seksa neraka-Mu".



أَعُوذُ بِاللَّهِ مِنَ الشَّيْطَانِ الرَّجِيمِ
وَإِذَا سَأَلَكَ عِبَادِي عَنِّي فَإِنِّي قَرِيبٌ أَجِيبْ دَعْوَةَ الدَّاعِ إِذَا
دَعَانِ ^{صلى} فَلْيَسْتَجِيبُوا لِي وَلْيُؤْمِنُوا بِي لَعَلَّهُمْ يَرْشُدُونَ



"Apabila hamba-hamba-Ku bertanya kepadamu mengenai Aku maka (beritahu kepada mereka) sesungguhnya Aku (Allah) sentiasa hampir (kepada mereka), Aku memperkenankan permohonan orang yang berdoa kepada-Ku; maka hendaklah mereka menyahut seruan-Ku (dengan mematuhi perintah-Ku) dan hendaklah mereka beriman kepada-Ku supaya mereka sentiasa berada dalam kebenaran".

(Al-Baqarah :186)

بَارَكَ اللَّهُ لِي وَلَكُمْ بِالْقُرْآنِ الْعَظِيمِ، وَنَفَعَنِي
وَإِيَّاكُمْ بِمَا فِيهِ مِنَ الْآيَاتِ وَالذِّكْرِ الْحَكِيمِ،
وَتَقَبَّلَ مِنِّي وَمِنْكُمْ تِلَاوَتَهُ إِنَّهُ هُوَ السَّمِيعُ
الْعَلِيمُ.



أَقُولُ قَوْلِي هَذَا وَأَسْتَغْفِرُ اللَّهَ الْعَظِيمَ لِي وَلَكُمْ
وَلِسَائِرِ الْمُسْلِمِينَ وَالْمُسْلِمَاتِ، وَالْمُؤْمِنِينَ
وَالْمُؤْمِنَاتِ الْأَحْيَاءِ مِنْهُمْ وَالْأَمْوَاتِ، فَاسْتَغْفِرُوهُ
إِنَّهُ هُوَ الْغَفُورُ الرَّحِيمُ.



KHUTBAH KEDUA

الْحَمْدُ لِلَّهِ الَّذِي جَعَلَنَا مِنَ الْمُسْلِمِينَ، وَرَزَقَنَا مِنَ
الطَّيِّبَاتِ. أَشْهَدُ أَنْ لَا إِلَهَ إِلَّا اللَّهُ وَحْدَهُ، لَا شَرِيكَ لَهُ،
وَأَشْهَدُ أَنَّ مُحَمَّدًا عَبْدُهُ، وَرَسُولُهُ.

اَللّٰهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ وَعَلَى
آلِهِ وَصَحْبِهِ وَمَنْ تَبِعَهُمْ بِإِحْسَانٍ إِلَى يَوْمِ الدِّينِ.
أَمَّا بَعْدُ، فَيَا عِبَادَ اللَّهِ، اتَّقُوا اللَّهَ فَقَدْ فَازَ الْمُتَّقُونَ.
قَالَ اللَّهُ تَعَالَى: إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ
يَا أَيُّهَا الَّذِينَ آمَنُوا صَلُّوا عَلَيْهِ وَسَلِّمُوا تَسْلِيمًا.

اَللّٰهُمَّ صَلِّ وَسَلِّمْ عَلَى سَيِّدِ الْمُرْسَلِينَ وَارْضَ اللَّهُمَّ عَنْ
أَصْحَابِهِ وَقَرَابَتِهِ وَأَزْوَاجِهِ وَذُرِّيَّاتِهِ أَجْمَعِينَ.
اَللّٰهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ



الْأَحْيَاءَ مِنْهُمْ وَالْأَمْوَاتِ، إِنَّكَ سَمِيعٌ قَرِيبٌ مُجِيبُ
الدَّعَوَاتِ يَا قَاضِيَ الْحَاجَاتِ. اَللّٰهُمَّ اِنَّا نَسْأَلُكَ وَنَتَوَسَّلُ
إِلَيْكَ بِنَبِيِّكَ الْأَمِينِ، وَنَسْأَلُكَ بِأَسْمَائِكَ الْحُسْنَى وَصِفَاتِكَ
الْعُظْمَى أَنْ تَحْفَظَ بَعَيْنِ عِنَايَتِكَ الرَّبَّانِيَّةِ وَبِحِفْظِ وَقَايَتِكَ
الصِّمْدَانِيَّةِ، جَلَالَهٖ مَلِكِنَا الْمُعَظَّمِ سُلْطَانِ سَلَاعُورِ، سُلْطَانِ
شَرَفُ الدِّينِ اَدْرِيسِ شَاهِ الْحَاجِ ابْنِ الْمَرْحُومِ سُلْطَانِ
صَلَاحُ الدِّينِ عَبْدِ الْعَزِيزِ شَاهِ الْحَاجِ.

اَللّٰهُمَّ اَدِمِ الْعَوْنَ وَالْهُدَايَةَ وَالتَّوْفِيقَ، وَالصِّحَّةَ وَالسَّلَامَةَ
مِنْكَ، لَوْلِيَّ عَهْدِ سَلَاعُورِ، تَعَكَوْا أَمِيرِ شَاهِ ابْنِ السُّلْطَانِ
شَرَفُ الدِّينِ اَدْرِيسِ شَاهِ الْحَاجِ فِي أَمْنٍ وَصَلَاحٍ وَعَافِيَةٍ
بِمَنَّكَ وَكَرَمِكَ يَا ذَا الْجَلَالِ وَالْإِكْرَامِ. اَللّٰهُمَّ أَطِلْ
عُمُرَهُمَا مُصْلِحَيْنِ لِلْمُوظَّفَيْنِ وَالرَّعِيَّةِ وَالْبِلَادِ، وَبَلِّغْ
مَقَاصِدَهُمَا لِطَرِيقِ الْهُدَى وَالرَّشَادِ.



Ya Allah, Engkaulah Tuhan yang Maha berkuasa, kami bersyukur kehadiran-Mu yang telah mengurniakan kami rahmat dan nikmat, sehingga kami dapat meneruskan usaha ke arah memperkukuhkan negara umat Islam khususnya negeri Selangor, sebagai negeri yang maju, sejahtera dan berkeadilan.

Justeru kami pohon kehadiran-Mu ya Allah, tetapkanlah iman kami, tingkatkanlah amal kami, kukuhkanlah perpaduan kami, murahkanlah rezeki kami, kayakanlah kami dengan ilmu yang bermanfaat, suburkanlah jiwa kami dengan budi pekerti yang mulia, kembalikanlah kami ke jalan yang Engkau redhai, lindungilah kami daripada ujian-Mu yang berat seperti kemarau panjang, banjir besar, wabak penyakit, persengketaan, kemiskinan dan lain-lain, supaya dengan demikian, negeri kami akan sentiasa bertambah makmur dan berkat.

Engkau bukanlah hati umat Islam, khususnya di Negeri Selangor untuk melaksanakan ibadah zakat sebagaimana yang telah Engkau fardhukan di dalam Al-Quran. Berkatilah hidup orang-orang yang melaksanakan tuntutan berzakat, menyayangi fakir dan miskin, sucikanlah harta dan jiwa mereka agar mereka hidup dalam keredhaan-Mu. Kau lindungilah golongan fuqara' dan masakin daripada kekufuran dan kefakiran yang berpanjangan.

رَبَّنَا هَبْ لَنَا مِنْ أَزْوَاجِنَا وَذُرِّيَّتِنَا قُرَّةَ أَعْيُنٍ وَاجْعَلْنَا
لِلْمُتَّقِينَ إِمَامًا. رَبَّنَا آتِنَا فِي الدُّنْيَا حَسَنَةً وَفِي الْآخِرَةِ
حَسَنَةً وَقِنَا عَذَابَ النَّارِ.



عِبَادَ اللَّهِ، إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَايَ ذِي
الْقُرْبَىٰ وَيَنْهَىٰ عَنِ الْفَحْشَاءِ وَالْمُنْكَرِ وَالْبَغْيِ
يَعْظُمُ لِعَلَّكُمْ تَذَكَّرُونَ ﴿٩٠﴾

فَاذْكُرُوا اللَّهَ الْعَظِيمَ يَذْكُرْكُمْ وَاشْكُرُواهُ عَلَىٰ نِعَمِهِ
يَزِدْكُمْ، وَاسْأَلُوهُ مِنْ فَضْلِهِ يُعْطِيكُمْ وَلَذِكْرُ اللَّهِ أَكْبَرُ
وَاللَّهُ يَعْلَمُ مَا تَصْنَعُونَ.

OSMAN /Li **